

復爐

謹攝香官使者左右龍虎君侍香諸靈官當
令臣向來靜夜行道之所自然生金液丹碧
芝英百靈眾真交會在此香火爐前當願十
方仙童玉女接侍蘭煙傳臣向來所啓之誠

速達徑御

至真無極大道

吳天玉皇上帝御前

出堂頌 出戶

道門科範大全集卷之六十二

道門科範大全集卷之六十三六十四 啓八

三洞經錄 弟子仲勸修

真武靈應大醮儀佑聖顯儀凡三本一潛
治三道出一本皆早朝於宿啓晝夜無
則不惜焚香三儀并取杜天師光庭北帝
齋儀三上香兩節參修增為啓散
三時行道作五卷以備修設之用

陞壇法事如式

庭參

具位臣某等謹焚道香德香無為自然香虔

誠再拜啓請

法主北極鎮天真武靈應佑聖真君玄天元

聖仁威上帝聖父淨樂國王聖母善勝皇后

北極天蓬都元帥蒼天上帝北極天猷副元

帥丹天上帝北極翊聖保德真君昊天上帝

北極闕下列班真宰雷霆鄭羊張三大元帥

雷門苟畢二元帥虛危二宿神君黑虎大神

劉天君早齋神君崔盧鄭賈四天君馬趙關

溫四大元帥城隍祀典廟社神祇三界功曹

證盟真宰悉仗真香普同供養臣等伏以圓

蓋廓清藹非煙之佳氣北靈昭格協降駕之

靈辰臣等溥灑蒙襟宣行齋法躬致庭參之

禮仰延宸宙之游威馨乃誠續通精款臣等
无任俯伏皈依之至以聞

發牒

念呪灑淨

恭聞天道高遠無聲臭之可聞神聽杳冥惟

陰陽之莫測誠之所嚮應乃無方厥有靈官

克司請命敢使一爐之芬郁仰邀四直之威

靈冀賜感通即垂降鑒以令焚香奉召

年直功曹使者 月直功曹使者

日直功曹使者 時直功曹使者

惟願降臨受茲祈叩

恭惟使者上下四方最為夙絕超騰萬里曾

不須更玉闕金庭傳命主甲關之職雲車風

馬過都如歷塊之稠煩聖力之載馳致神聰

之四達倘備精明之禱曾微瘳焉之憂今離

官某夙稟善緣叨逢正法晨昏香火敢忘真

聖之鴻慈時節片眩用格靈官之騏馭庶祈

仙駕下察凡居于時瑞霧騰空祥風布地演

瓊科於翠笈吐塵烟於丹心仰仗先容得諧
上達所祈所請今即啓聞

宣牒

上來文牒已具闕宣今則展禮塵居馳誠妙域雖深注想無計上聞式臨下降之辰敢瀆高靈之聽仰祈使者即為闕聞應官其等所謀者通所求者遂所禱者却所作者成庶此微衷不為虛設

說戒

恭惟北方真武靈應佑聖真君乃太上老君應化之身屬北斗第六武曲紀星君北方以虛危二宿為蛇管室東壁二星為龜龜有甲而扞衛一身蛇如陣而首尾俱至故有武之象龜蛇合而為真武有神主之是為真君在天上冠蒼玉之冠衣玄色之衣與天蓬天猷翊聖號比極四聖降於人間則披髮跣足仗劍以斬妖邪部領六丁玉女八殺將軍六甲直符十二神將各一十二人符吏百二十人神兵五十萬人雷電風雨之神常隨左右真君多降於蜀中緣蜀中有玄武縣今避聖祖名改為中江自漢迄隋隸成都唐武德三年分隸梓州其縣有真武聖跡最多後倚高山

山之上下皆有觀前臨大江江中之石自然成龜蛇之狀近世無道士住持更為金仙道場威靈亦常示現及降語於成都宋興之初成都有燁灰存置一閣奉事真君者人真君降於其家傳以五斗經行於世又有杜明亦勤於崇奉真君往往就明降語咸平中王均叛賊帥遣卒召明明往見賊帥殊不知口中歷歷道何語賊帥命送歸移時方知身在家舉家驚喜賊平後遂鑿金帝於天慶觀三寶院擇地築基建堂殿塑真君像及繪靈官侍從以謝脫賊之厄上元節殿堂綠繪新成遊者駢集杜明遺其弟擊磬祇飭香燈至夜士女填溢其弟於紗窻窺歎婦女真君怒使自榻其眼幾破及祥符五年又降語云天蓬哥來則是客吾當為主人坐數有上真降焉一日明奉香火之次降語令召道正明寂大師寒道沖曰吾降此已數年後吾於東都降現以保帝祚汝不得退前志自此遂不聞真君之語十年後京師聖水觀龜蛇現若合符節崇寧末成都紀堂力學能文聖壽寺劉氏命

子弟從之游真君降言紀堂不孝後母天曹已不收名子後果無成客死於藥水鋪請康初京師失守真君復降於成都朝請即揚廣因崇害其女來玉局觀設四聖醮真君降于座闕觀驚駭真君為其除崇及言齋官眾等祖先以來事一一目擊又請江瀆神王應時而至地司主者階下惶恐聽命建炎中廣都巢觀夜夢真君遣人見召心甚驚駭至則真君降階相接聖顏溫和玉音清亮待之如賓覺而遂修醮儀舉家奉戒愈切崇信所以奉祀者不可輕嫌於建齋之初當知此戒其戒有七眾當諦聽
第一戒者不得信從邪道禱祭魔法誦求餘福昏迷沉亂常欲清淨身心歸依大道
第二戒者不得不忠不孝不義不仁常欲恭勤事上慈愛接物不忘道訓
第三戒者常念累世父母過去親難曾為六天魔鬼枉死傷害未盡天年橫被傷殺歸投正教拔濟幽魂使幽明存亡均霑利澤
第四戒者真君降日不得章奏之內有犯諱

字謂告又不得燒奏卓錢并用油燈油紙
焚焚所奏

第五戒者真君降日不得食葷辛雜肉及黑
鯉魚雲臺菜胡萎馬齒莧大蒜七星魚等
物及不得令氣息相近

第六戒者婦人年未五旬者不得令近神座
及童僕身上氣息臭穢者亦不得令詣前
常務潔淨以奉上真

第七戒者常若奏對真靈不得北向涕唾及
旋溺不潔

已上七戒能持否能持

真君昔奉天專教救凡甲子庚申每月三七
日下降人間受人之醮祭察人之善惡修學
功過年命長短衆等依科行道當奉此七戒
以檢飭身心無招罪戾庶使真靈降格款納
勤誠魔精消伏斷滅不祥過去起生見存獲
慶生人安泰國土清平衆當明知無忘于心
奉戒如法

請稱法位
具位 且某等謹重誠上啓

太上無極大道三十六部專經玄中大法師
靈寶主教五師真君三天聖師奉玄上相真
君玉堂演教侍宸仙衆三界十方一切真宰
悉仗真香普同供奉宜意事悃已宣聖聰昭
聽復念且等謬以凡庸輒司科教懼檢身之
弗類恐獲戾于上真貪請備員不容避職獨
洗埃氛之累宣行教典之嚴伏望玉京山應
壇所俯垂佑助流真炁於且等身中令得齋
事克成衆真來格共等不勝延佇懇禱之至
謹啓以聞

四向

道門科範大全集卷之六十三

道門科範大全集卷之六十四

廣成先生杜光庭制定

真武靈應大醮儀

啓壇行道

法事陞壇如式

各禮師存念如法

宣衛靈呪

東方

九炁青天 明星大神 煥照東鄉 洞映九門
轉燭陽光 掃穢除氛 開明童子 號曰玄卿

備衛我軒 上對帝君 收魔束妖 討捕兇羣
奉承正道 赤書玉文 九天符命 攝龍驛傳

普天安鎮 我得飛仙和與道合真

南方

三炁丹天 煥景流光 熒星轉燭 洞照太陽

上有赤精 合契虛皇 開明靈童 號曰華房

總統火兵 備守玉堂 斬邪束妖 剪截魔王

北帝所承 風火莫當 流鈴交煥 翊衛壇場

正道流行 敢有已狂 我事上功 坐運魁罡

億劫長存 保天無疆和與道合真